


YI SANLIEDI



U SANU GANDIMA

A yaa ta u sanu ki ca naani ke a daa bani, a daa yen buali ki bandi u sanoadiko. Lani yaa puoli, a baa cuoni ki faami hali bonnanla, a yaa go ji sua ke a tudi u sanu, ñan jaligi ki lebidi, ki lingi yaa sanu n tiegi.

Ti yema daali kuli li ñandunli nne nni, ti ca yaa kaanu n ki pia gbenma, ki go tie yaa kaanu n ki ji pia bodima, ti yaa ji ban pundi tin caa yaa kaanu yeni, u kangodi fidi ki yaa pia lebidima. Fini a bani ñan caa naani?

TI GOBIDIKA

U Tienu, o buama nni leni o ñanbilipaabu po, o puni ti o gobidika yaali n tie U Tienu tili, ke li wangi ti cain yaa sanu n caani ti tanpoli diema nni (U Tienu denpo). Yaa maa fuuna n ye li tili nne ni nni kuli ñani U Tienu tili nne. "A maama tie fidisanga n taana po ki go tie yenma n sanu po." (Pisoma 119:105).

U SANCIAMU

Bi niba boncianla ñoa laa sanu yo. "Kua mani yaa buliñoabu n miabi kani kelima yaa buliñoabu n pia leni yaa sanu n pia kuli ca mi bodima kani. Yaaba

n tagi lankani ki koa n yabi." (Mat. 7:13).

Yaa sancenda n yena ni nni, yaaba yaa nuni n luyoni n yaba. Baa bani ke ban goa yaa sanu yeni caanba mi bodima nne, bi mo, baa go faami li po. "Sutaani yua n daa die nanduna juandi yaaba n ye mi bodima sanu nni yama." (2 Kolinta 4:4)

A TUGA

Yaa niba n cuoni laa sanu nni tugi ti tuonbiadi. "Mi gagidima ki ye bi niba siiga, kelima bi kuli tieni ti tuonbiadi ki poadi, baa pundi U Tienu kpiagidi." (Loma 3:23). Ti kan fidi ki wuoni U Tienu baa tuonbiayengu. "O nisaalo puuni li mayuli boncianla wan nua yaala leni o nuni, ama U Tienu wan nua li pali yo." (1 Sam. 16:7). A tuga luo ki taabi bi puoli po. Ti yaa pacele po ti kan fidi ki foagidi baa leni tuonbiayengu. Li yaa waagidi, a tuga go yen kpiagidi ki pugidi. "Ti tuonbiadi panpaani tie mi kuuma." (Loma 6:23).

MI TAÑIIGIMA

Yaa tañiigima maalima n ma ku ti gbangu nne po tie ti po U Tienu bujjali nannanli. "Nani lan bili nisaalo kuli po ke o baa kpe yenma, lani yaa pendi U Tienu buudi n yuandi ki cua." (Eb. 9:27). "Lani n den la u bali kalikaanpienciamu leni yua n den ka u po ... N go den la bi tinkpiba kuli, bi paatieba leni taliginba kuli, ke bi se U balikalikaanu nintuali. Bi den luodi a tila. Bi go den luodi ti toali yaali n tie li miamoanli tili. Bi den jia ti buudi leni bi tinkpiba nani bi bontienkaala n den tie maama, ki goa ban den diani bi po yaala a tila yeni ni nni. ... Ban ki den laa yaa yeli ke li diani li miamoanli tili nni kuli, bi den luni o ku fantanbuogu nni. (Midoag. 20: 11,12,15).

MI FANTAMA

U Tienu tie yua n gagidi ki nani cain ki go tiega. Li yaa po yo ke li baa tie tiladi ti tuonbiadi n yaa pia yi pangaani. U Tienu maama waani ti ke u fantanguogu ye, ki tie yaa fala n kan gbeni kaanu yaaba n yie U Tienu po. Li diani li Tientili nni: "bi nibiadiba baa gedi mikuuma kaanu, yaa nibuoli n sundi U Tienu kuli." (Pisoma 9:18). Laa tie tiladi n n nua nibiadao cain ka ki pundi laa kaanu, li kani go tie yaaba n sundi U Tienu po.

Ama U Tienu tie mi buama Tienu, "waa bua baa niyendo n bodi, o bua bi niba n cua ki biidi bi pala bi tuonbiadi po, ki lebidi bi yama." (2 Pielu 3:9). O nbanlipaabu nni leni o buacianma nni, o bogini ti po yaa sanu n baa cedi ke ti kan kua Kufantanbuogu nni: Laa sanu tie yaaba n pendi bi pala ki bua ki cuoni u po. Naani a bua ki bandi li miamoanli sanu?

LI MIALI SANU – O FAABI KOA

Nani tin kan fidi leni ti yaa gbanmanu cele ki na ti tuonbiadi nni leni li fala cuonu ti po yeni, Baa "U Tienu puni ti mi tindima; O soani obonjayenyenga ke yua n dugi o po kuli n daa bodi, ama wan yaa pia yaa miali n kan gbeni." (Jan 3:16). Laa faabikoa yienu den naani o nisaalo, ama abada waa tieni tuonbiadi. O den caa yi kaani, ki tieni mi njanma, ki bu a yiama, ki paagidi a gbaada, ki deliti mu cicibiadimu, ki puuni ti tuonbiadi sugili yaaba n tuo ki daani, ki doagidi o niligu po U Tienu sanu, ki go wangi Baa U Tienu diema laabaalinamo. Ama wan tua nisaalo yaa mayuli po den tie ke o kuuma n tua ti kuli po padili. O den puni o miali lini yaala n gagidi ki nani, ki wuli o soanjanma

ti tuonbiadi njudima po. O den cedi ke anibiada cuo o ki pua o leni yi baliji hali ke o puoli po den poagili ki gbie soama, bi den yili ni o yi konkoni nani o bado bonylikaala, ki ji den yuandi ki cicibi o ni leni o taana ki ban kpa o li dapoanpoanli po. Laa dapoanpoanli po o den la falaciamo ki kpe fini leni mini yaa po. "Wani Kilisiti n den tugi ti tuonbiadi o gbannandi nni li dapoanpoanli po." (1 Pielu 2:24).

JESU FIIMA BI TINKPIBA SIIGA

Jesu n den kpe, o den tieni danata li takuli nni ki yuandi ki fii bi tinkpiba siiga. O den cuoni ki go boni leni o njoadikaaba dana piina, lani yaa puoli, o den doni tanpoli ki ban kali U Tienu jienu. O tie yaa faabikoa n fo, yua ke "U Tienu puni o u paalu kuli tanpoli leni ki tinga nni kuli." (Mat. 28:18). "Wani Jesu den puni o yuli U Tienu ki tie li padili ti tuonbiadi po, ki kpe yeni, o den tieni lankuli yenma ke li dagidi yi yogini kuli po." (Hebilu 7:25).

TANPOLI DIEMA

Tanpoli diema tie U Tienu n ye naani leni o kpiagidi kuli. Ti diedo Jesu yedi: "N baa gedi ki ban njanbi yi po u kaanu. N yaa gedi ki ban njanbi u kaanu yeni, n baa goa ki cua ki taa yi tin yegi, ke min ye naani yi moko baa ye lankani." (Jan 14:2). "Li tie yaa kaanu n pia mi gagidijanma, naani ke U Tienu baa duuni ki nani tininsiidi kuli bi nuni nni. Mi kuuma kan go yaa ye, li paboanli, leni a buubula, leni yaala n baa koani o nilo kuli moko kan go yaa ye, kelima li bonkpela pendi." (Mi doagidima 21:4). "Ku niagu kan go yaa ye ...Kelima o Diedo U Tienu baa yendi bi po." (Mi doag. 22:5).

Li tie yaa kaanu n gagidi ki nana. "Joagindi baa kuli kan baa ki kua U Tienu diema nni. Yua n tieni ti cagindi leni yua pua mi faama kan kua u ni nni, kali yaaba yaa yela n diani ki pebiga tili nni, li miamoanli tili nni." (Mi doag. 21:27).

Ama sanyendu bebe n ye ki baa pundi tanpoli diema nni. Ti Diedo Jesu yedi: "Mini n tie u sanu, leni yi moamoani, leni li miamoanli. O baa kuli kan pundi ti Baa U Tienu kani kaa tagini yaa sanu n tie mini." (Jan 14:6). "Ti kan baa mi faabima nitoa kuli kani. U Tienu ki puni bi nisaaliba ye toali nanduna nni tin baa faabi yaala yaa po tiladi, kali Jesu." (J.T.T. 4:12).

TI BAA NJOADI TANPOLI DIEMA SANU LEDE ?

1. "Yin biidi manni yi pala yi tuonbiadi po ki lebidi yi yama, ki na ti, ki njoadi U Tienu, ki tuo o labaaligamo." (Maka 1:15). Ki biidi a pali, ki lebidi a yama bua ki yedi: ki nna a tuonbiadi ki njoadi U Tienu leni a pali kuli.

2. **Ki pundi o Diedo Jesu kani leni mi jaanma** (Yi jaandi). Yin tie maama kuli leni yi tuonbiadi tuga kuli, ki mia o yi tuonbiadi sugili. O yedi: "N kan deli yua n baa cua n kani kuli." (Jan 6:37). "Cua mani n kani, yinba yaaba n tugi a tugikpiaga ki cuagi kuli n baa pa yi mi fuodima." (Mat. 11:28).

3. **Ti tindima po, tin dugi Killsiti bebe yaa po:** "O bijua Jesu n den kpe ki wuli yaa soama mo njudi ti pala ki nani ti po ti tuonbiadi kuli cain." (1 Jan 1:7).

4. **O baa pa yi limlapanli ...yaa miali n kan gbeni.** Kilisiti yedi: "Yua n cengi n maama ki dugi yua n soani nni po pia yaa miali n kan gbeni. "O nilo yaa tuugi leni Kilisiti, ki ye o niinni o tie nipaano, a bonkpela pendi, diidi ki le, I kuli tua bonpanla." (2 Kol. 5:17).

5. **Yi baa baa mi yanduanma leni misedipaama:** "Lan wani U Tienu teni ke

ti tiegi kaa go pia tagili kelima ti dugidi yaa po, yteni ti mangi leni U Tienu kelima ti Diedo Jesu Kilisiti yaa po.” (Loma 5:1).

“Laa siedi n tie na; U Tienu puni ti yaa miali n kan gbeni, laa miamoanli ye o bijua niinni. Yua pia U Tienu bijua pia li miamoanli, yua n ki pia U Tienu bijua, waa pia miamoanli. N diani yi po lani ke yinba yaaba n dugi U Tienu bijua, po n yaa bani ke yi pia yaa miali n kan gbeni.” (1 Jan 5:11-13).

YI MIAPANLI YIENU

1. Yi cogi U Tienu maama daali kuli. Mi tie yenyenma ti sanu nni, ki go tie ti naani jiema. “Nani a canpanda n bua mi biima maama, yi mo n yaa bua mani yaa naanama n tie tanpoli yaama, ban ki kali yaama leni bontoala, lani n tie U Tienu maama mo n yaa teni yinba yaaba n faabi n yaa kpedi laa faabima nni.” (1 Piel 2:2). Yi yaa ba cogi U Tienu maama, yin mia o (U Tienu). Wan gobidiyi ki doagidi yi leni o Fuoma yua paalu.

2. Yin yen nagini U Tienu kani daali kuli leni mi jaanma (yi jaandi nni), ki jaani (jaandi) Jesu yeli nni. “Yin daa yagini mani yi yama lan tie yaala kuli po. Lan tie yaala kukuli po yi yaa jaandi ki miadi U Tienu, ki go tuondi o, ki miadi o yin luo yaala kuli. Lan wani U Tienu n puuni yaa yanduanma, yaama n yabi ki pendi o nisaalo bandima kuli, baa gu yi pala leni yi yantiana ke ti yanyagidi n daa paadi yi, kelima yi tuugi leni Jesu Kilisiti ki ye o nii nni. (Filipa 4:6-7).

3. Yin doagidi toaba po Kilisiti n tie yua. “Kuni a denpo a niba po, ki baa waani ba o Diedo n tieni a po yaala kuli, leni wan gbadi a po yaa niñima.” (Maka 5:19).

4. Sutaani yaa cua ki baa tulina, mia a Diedo i jaandi nni. “Kelima o den la fala ban moandi ki baa tulini o yaa yogunu yaa po, o den fidi ki todi ban moandi ki baa tulini yaaba.” (Eb. 2:18).

5. Yi yaa kua ti tuonbiadi nni, yin tuodi ki doagidi yi cidid U Tienu kani tontoni. “Ti yaa tuo ki doagidi tin tieni yaa tuonbiadi, o tie tin fidi ki dugi yua po, ki go tiegi mo, o baa pati sugili tin tieni yaa tuonbiadi po, ki njuudi ti po ki ñani ti po yaala n ki tiegi kuli.” (1 Jan 1:9).

6. Yin moandi ki yaa taagi leni yi kpliba li dandanli nni ki jaani. “N ñaabonbilikaali tie li ne, yin yaa bua mani yi yaba nani mini n bua yi maama.” (Jan 15:12).

7. Yin tuo U Tienu ballmaama. “O nilo yaa bua nni moamoani o baa kubi n ñaabonbilikaana.” (Jan 14:23).

8. Yin daa jle Kilisiti ye leni: “U Tienu yedi n kan yie ña hali a bada n kan ñaa ña hali abada.” (Hebilu 13:5).

9. Yin paa yi yula o Diedo Jesu Kilisiti. Yin cedi wan gobidi yi miana mi yema nni leni o yanbuama. Lani n tie yin baa mi yemoanma.

Pour obtenir gratuitement de la littérature évangélique, des livres et des traités en plus de 540 langues, écrivez à:

E-MAIL: info@angp.co.za

ALL NATIONS GOSPEL PUBLISHERS

P.O. BOX 2191, PRETORIA, 0001, R.S.A.

(Une Mission de Littérature évangélique financée de dons)

(Reg. No. 1961/001798/08)